

Bewegt/ als alle fixen Sternen. Item der Cirkel der zwölff Himmlischen Zeichen/ darinnen seind auch die sieben Planeten/ die ihren besondern lauff haben. Diese Sternen alle sampt ihren sphaeren, werden von der andern Welt regiert/ denn die intelligentia sein darbey/ vnd wenden vnd bewegen sie vmb/ siecken darin/ wie die Seel in eines Menschen Leibe/ vnd diese intelligentia haben ihren Anfang/ vnd quell von der anima mundi.

4. Die vierde/ Mundus elementalis, die Elementische Welt/ darinnen sindt die vier Elementa/ als Aer, Aqua, Ignis, Terra, Luft/Wasser, Fehr/ vnd Erde/ darinnen werden geboren allerley seltsame Dinge/ als im Fehr die fehrige Metheora. In der Luft/ alle lufftuge Metheora, als Wind/ Donner/ Bliz, Regen/ Schnee/ Thaw, Reiff/ Schlossen/ zc. In der Erden werden geboren die Metalla vnd Mineralia, alle Gemächse/ Kräuter/ vnd Bäume/ Edelo gesteine/ Würmer/ vnd andere Thiere. In dem Wasser werden geboren seltsame Wunderfische/ Edelgestein/ Goldt/ vnd allerley Fische/ auch Bnzieser/ vnd böse Thiere. Diese vier Element werden durch des Himmels Crafft geregirt vnd gemeistert/ von den Sternen in der grossen Globul/ so alle mit einander beyammen stehen/ vnd einen gleichförmigen gang haben/ vnd auch sonderlich von den sieben Planeten/ durch ihre Conjunctionem, Oppositionem, Quadrantem, vnd Sextil, auch dreyerlichten Schein/ gewaltig zu allerley impressionen, vnd wunderlichen effecten vnd wurdungen gereinet/ wie in der Astrologi angezeigt wird.

5. Die fünffte Welt/ ist die kleine Welt/ Mundus parvus seu Microcosmus genant/ das ist der Mensch/ der begreiff diese Welten alle.

1. Seine Astra werden regiert von der vernünftigen Seel/ dess gleich wie *GDZ* ist ein Anfänger vnd Schöpffer des Himmels